


امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسلكمزه موافق آثار قبول اولنور.
درج اولمایان اوراق اعاده اولماز.

معاونت

اداره خانه سی باب عالی جاده سنده
۵۲ نومرولی « شرکت مرتبیه »
• طبعه سیدر •



استانبول ایچون سنه لکی مطبعه دن
آلنق شرطیله ۴۰ طشره لره پوسته
اجرتیله برابر ۶۰ غروشدر.

نسخه سی ۱ غروش

پنجشنبه کونلری نشر اولنور ادبی، فنی و صناعی غزته در

نسخه سی ۱ غروش

یومی یارم اوقه دن بر آز زیاده جه اولمق اوزره سنوی ایکی یوز یکریمی بش اوقه راده سنده اتمک ییه بیلدیکی تظاهر اتمکده در.

یومی آلتی یوز بیک قه اتمک حصوله کتیرمک ایچون کذلک یومی ۴۰۰,۰۰۰ یعنی سنوی ۱۴۸,۰۰۰,۰۰۰ اوقه دقیق صرفی ایجاب ایدوب بومقدار دقیق آتشر اوقه دن چوالله تقسیم ایدیلنجیه ۲,۴۶۶,۶۶۶ چواله بالغ اولمقدده در. بو چوالله ک بهر یوز عددی بر واغونه تحمیل ایدمک شرطیه یوکنه جک اولورسه یکریمی درت بیک آلتی یوز یتش واغونه طولدرمق لازم کلوب بو واغونلر یکدیگرینه ربط ایدیله جک اولورسه تشکیل ایدمک چکی خطک طولی تقریباً یوز یکریمی بش کیلومترویه رسیده اولورکه اوتوز فرسخلیق بر مسافه دیمکدر.

هله چوالله صره ایله بر خط تشکیل اتمک اوزره دیزیله جک اولسه ایکی بیک بش یوز کیلومترولق بر مسافیه وارییورکه ۶۳۰ فرسخه مساوی اولان بومسافه در سعادتن بصریه وبلکه ده ایلریه قدر بریول دیمک اولور!

خلاصه بویولده کی حساب ده مدققانه یوریدیله جک اولورسه ده غریب نتیجه لر حصوله کلیر. حالبوکه ایشی بویله غرابته بوغمنقدن ایسنه جدی اولان جهتی تدقیق اتمک مناسب اولور:

استانبولده یومی آلتی یوز بیک اوقه اعتباریه سنوی صرف اولنان اتمک بربری اوزرینه اوقه سی بررغروشدن حساب ایدلسه، — چونکه ۳۰ پاره دن ۲ غروشه قدر اتمک و فرانجه صاتیلیور — استانبول اهالیسنک یومی آلتی یوز بیک وسنوی ایکی یوز اون طقوز میلیون غروش یعنی اون میلیون طقوز یوز الی بیک مجیدیه یاخود ایکی میلیون یوز طقسان بیک لیرا اتمک

پارسی ویرمکده اولدینی آکلاشیلیر. مقدار مذکور مجیدینک وزنی تقریباً ۲۱۱,۰۰۰ آتونک وزنی ایسه، ۲۱,۰۰۰ اسکی اوقه یه بالغ اولور.

اتمک فی حاضری ذخیره فیثاتنک دوشگون زمانلرنده بش پاره تنزیل ایدیلورسه اهالیجه بوندن یومی ۷۵,۰۰۰ غروشدن شهری ایکی میلیون ایکی یوز الی بیک وسنوی یکریمی یدی میلیون غروش یعنی آیده یکریمی ایکی بیک بش یوز وسنده ایکی یوز یتش بیک لیرا استفاده حاصل اولدینی کبی بالعکس ترقی فیثاتدن بو مقدار ضم وقوعنده بو قدر لیرا فضله ویرلش اولور. ضم ویا تنزیل مبحث بهر اوقه ده اون پاره اولورسه استفاده یاخود فضله اعطا اولنه جق اچقه بیان اولنان مقدارک ایکی مثلی اوله جنی درکاردر.



قطب شمالی کرسنکافی

(مابعد)

اگر قطب شمالینک حوالی مجهوله سنده بولدیغمز اوبهادر حیوان، اسلافزک الیرینه کچسه ایدی اوراده بولنان معبودلری اغضاب ایدرز خلیاسیله — شراب دوکمک فلان کبی مراسم دینه ایله موافقتلرینی استحصال اتمه دیکه — قیلنه بیله دوقونه مزلردی!

آمریقایلر بر قورشونله او وحشی حیوانی خاک هلاکه سریوریدیلر. اتی، درسی جهتیله غایت قیتدار اولان او حیوانک اولدیکی آکلاشینجه بالخاصه ایندیریلان صنداله آدیله بر آز صوکره نامی «قطب کشفاتی» حکایه لرنده دفعاتله ذکر اولنان (Carens) آطه لری کورونیوردی. طاشدن معمول اولوب نواحی شمالیه سیاحتینک کرک کندی آرالرنده وکرک عالم مدینتله ایتدکاری

مخبره لرده قوللاندقلری (کدن) تسییه اولنان جنسیدن بر اثر عتیق زیارت فکرنده بولندق. او اثر عتیق، امثالی وجهه، بر جوق طاشک بر اهرام تشکیل ایدمک درجده بریره کتیرلسیله حاصل اولمشدی.

ارتفاعی اوچ، درت مترو اولوب قاعده سی ایسه بر مترو سبندن بر آزیاده بر قاپلا یوردی. اثر عتیق مذکورک جسامتی اولما مقله برابر مجرد یوکسک بریده انشا ایدلش اولمسی حسیه بک اوزاقدن کوریله بیله جک بر حالده ایدی. او اثر، قطب شمالی بوزلرینک کیزله دکلری اسرار قیتداره کسب وقوف آرزوسنه بلکه خلقت علمدن بری موجود اولان او صوغوق یوزلی بوزلرک بیله غلبه چاله مدینی پاندورلی قاپی دن (Allen young) طرفدن انشا ایدلش اولدینی جهته قطب شمالی تاریخنده مدت مدیده مشهورقاله جقدر. تصادفه تودیع اولوب جزئی مأکولاته مالک اولان کیمیلر ایچون بعضاً ک قیتدار معلوماتی حاوی بولنان بو مخبره ده کی اسراری نه دیلر، نده اسکیمولر بوزمزلر. فی الحقیقه قضاذه لر، کندیلرینه تخصیص اولنان ذخائرک انسانلره حیوانات وحشیه زیانندن محافظه سی ایچون صاقلاندقلری محالری کشفه مقتضی اشاراتی (کدن) لرده بولورلر. بونوا حیده حکمفرما اولوب دایما صفره قریب اولان هوا سایه سنده او محالر بیوک بریمک دولابی تشکیل ایدرلر. اسملری، ملیتی مجهول اولوب اون، یکریمی وبلکه اوتوز سنه صوکره اسلافنک ادخار ایتدکاری او خزان کرانهای طبیعت ایله تسکین جوعه کله جک اولان سیاح بحری حقنده اوراده اجرا اولنان مهمانوازلق فوق العاده بر صورتده در! (مابعدی وار)

